



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

IV. Quæ sint instrumenta bonorum operum. Qui flores plantare cupis,
loliúmque secare, Instrumenta tene, queis operêre bene.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

18. JAN. 19. MAJI. 18. SEPTEMB.

CAPUT IV.

Quae sunt instrumenta bonorum operum a.

1. In primis Dominum Deum diligere ex toto corde, totâ animâ, totâ virtute.
2. Deinde proximum tanquam seipsum.
3. Deinde non occidere.
4. Non adulterari.
5. Non facere furtum.
6. Non concupiscere.
7. Non falsum testimonium dicere.
8. Honorare omnes homines.
9. Et quod sibi quis fieri non vult, alteri non faciat.
10. Abnegare semetipsum sibi *b*, ut sequatur Christum.
11. Corpus castigare *c*.
12. Delicias non amplecti.
13. Jejunium amare.
14. Pauperes recreare *d*.
15. Nudum vestire *e*.
16. Infirmum visitare.
17. Mortuum sepelire.
18. In tribulatione subvenire.

19. Do

19. Dolentem consolari.
 20. A sæculi actibus se facere alienum.
 21. Nihil amoris Christi *f* præponere.

- a) Ipsa bona opera hîc dicuntur instrumenta bonorum operum, vel quia se mutuò indigent, & mutuò utuntur; vel quia singula hîc enumerata nos instruunt, quid agendum; vel quia Deus ùt causa principalis iis velut instrumentis utitur ad nostram salutem. Nisi malis, constructio- nem esse intransitivam, quasi diceretur, bona opera, quæ sunt instrumenta, artis videlicet spiritualis, uti S. P. ipse sub finem cap. hujus exponit; vel etiam, ùt vult Turrecremata, acquirendæ perfectio- nis, ac finis ultimi consequendi. Porro omnia & singula hæc instrumenta conti- nentur in Scripturâ, & sunt partim præ- cepti, partim consilii Divini, Christianis omnibus eòq; magis Religiosis amplectenda.
- b) Mortificando videlicet proprium iudicium, voluntatem, desideria & affectus quosvis repugnantes præceptis & consiliis Divinis.
- c) Quod fit per disciplinas, cilicia, abstin- tias, mortificationes sensuum exterio- rum, &c.
- d) Sub-

- d) *Subtrahendo sibi semper in mensâ aliquid de cibo ac potu, quod cedat in usum pauperum.*
- e) *Virtutes hujusmodi, quas exercere opere ipso Religiosis aliquando non licet, exercere oportet animo sive affectu; & sic sunt æque meritoria, ex Doct. Angelico.*
- f) *Passivè, seu erga Christum.*

19. JAN. 20. MAJI. 19. SEPTEMB.

22. Iram non perficere.
23. Iracundiæ tempus non reservare.
24. Dolorem in corde non tenere.
25. Pacem falsam non dare a.
26. Charitatem non derelinquere.
27. Non jurare, nè fortè perjuret b.
28. Veritatem ex corde & ore proferre.
29. Malum pro malo non reddere.
30. Injuriam non facere; sed & factam patienter sufferre.
31. Inimicos diligere.
32. Maledicentes se non remaledicere, sed magis benedicere.
33. Persecutionem pro justitiâ sustinere.
34. Non esse superbum.
35. Non vinolentum.

36. Non

- iquid
par
opere
exer-
sum
36. Non multum edacem.
37. Non somnolentum.
38. Non pigrum.
39. Non murmuriosum.
40. Non detractorem.
41. Spem suam Deo committere c.
42. Bonum aliquid in se cum viderit,
Deo applicet, non sibi d.
43. Malum verò semper à se factum
B. sciat, & sibi reputet e.
44. Diem iudicii timere.
45. Gehennam expavescere.
46. Vitam æternam omni concupiscen-
tiâ spirituali f desiderare.
47. Mortem quotidie ante oculos suspe-
ctam g habere.
48. Actus vitæ suæ omni horâ custo-
dire h.
49. In omni loco Deum se respicere i
pro certo scire.

a) *Id est, non simulare vel fingere se paci-
ficum.*

b) *Seu falsò juret.*

c) *Sive in Deo collocare.*

d) *Id est, adscribat gratia Dei, non viribus
propriis.*

e) *Vel*

- e) *Vel imputet.*
- f) *Id est, vehementer.*
- g) *Sive ob oculos positam.*
- h) *Id est, sollicitè attendere, ut bene fiant.*
- i) *Id est, se à Deo respici.*

20. JAN. 21. MAJI. 20. SEPTEMB.

50. Cogitationes malas cordi suo advenientes mox ad Christum allidere.

51. Et Seniori spirituali *b* patefacere.

52. Os suum à malo vel pravo eloquio custodire.

53. Multum loqui non amare.

54. Verba vana & risui apta non loqui.

55. Risum multum aut excussum *d* non amare.

56. Lectiones sanctas libenter audire.

57. Orationi frequenter incumbere.

58. Mala sua præterita cum lacrymis vel gemitu quotidie Deo in oratione confiteri, & de ipsis malis *e* de cætero emendare.

59. Desideria carnis non perficere.

60. Voluntatem propriam odire *f*.

61. Præceptis Abbatis in omnibus obedire, etiamsi ipse aliter [quod absit] agat.

agat.

agat ; memores Dominici præcepti h :
 Quæ dicunt , facite ; quæ autem fa-
 ciunt , facere nolite.

62. Non velle dici Sanctum , antequam
 sit ; sed prius esse , quò i verius di-
 catur.

a) *Quod fit confugiendo ad Christi vulnera ;
 implorando ipsius opem ; protestando vehe-
 menter , quòd Christus solus esse & mane-
 re debeat sponsus amantissimus animæ no-
 stræ ; reflectendo mentem ad vitam & vir-
 tutem Christi , oppositam illi vitio , quo ten-
 tamur . &c.*

b) *Putæ , legitimo Superiori , aut Confessario.*

c) *Etiã extra Confessionem . Quàm id fru-
 ctuosum , ac propè necessarium , præsertim
 tyronibus Religiosis , docent exempla plu-
 ra in Vitis PP. ipsâque experientia : hoc
 enim modo citius curantur peccata : dia-
 bolus , utpote Spiritus superbus , proditus
 fugit ; conscientia magis serenatur , &c.*

d) *Id est , altum vel cum vehementia editum.*

e) *Id est , ipsa mala , vel potiùs aliquid quo-
 tidie de ipsis malis : quod optimè fit per
 exercitium Examinis particularis , propo-
 nendo*

nendo manè singulariter hoc vel illud vitium præcavere; innovando sæpius per diem hoc propositum, & quoties contravenitur, dolorem eliciendo vel etiam poenam voluntariam sibi imponendo; notando denique indies [donec vitium illud sit extirpatum] in tabellâ aliquâ numerum lapsuum, eumque minuere studendo. O ⁷ omni anno unum vitium extirparemus, citò viri perfecti efficeremur, inquit rectè D. Joannes Gersen l. X. de ⁷ Imit. Christi c. I R. ⁷ primo

- f) Magis latinè, odisse, vel odio habere.
- g) Intellige, iis, quæ non sunt contra Deum, sed neque contra vel supra Regulam ex S. Bern. de præc. & dispens. c. 7.
- h) Matth. 23.
- i) Eleganter pro, Ut ed.

21. JAN. 22. MAJI. 21. SEPTEMB.

- 63. Præcepta Dei factis quotidie adimplere.
- 64. Castitatem amare a.
- 65. Nullum odire.
- 66. Zelum b & invidiam non habere.
- 67. Contentionem non amare.

68. Ela

68. Elationem e fugere.

69. Seniores venerari.

70. Juniores diligere.

71. In Christi amore d pro inimicis orare.

72. Cum discordantibus ante solis occasum in pacem redire.

73. Et de Dei misericordiâ nunquam desperare. Ecce hæc sunt instrumenta artis spiritualis e; quæ cum fuerint à nobis diu noctûque incessabiliter adimpleta, & in die iudicii consignata f, illa nobis merces à Domino recompensabitur g, quam ipse promisit h: quòd oculus non vidit, nec auris audivit, nec in cor i hominis ascendit l, quæ præparavit Deus, his, qui diligunt eum. Officina m verò, ubi hæc omnia diligenter operemur, claustra sunt Monasterii, & stabilitas n in Congregatione.

a) *Conducit eò* [1. Custodia sensuum exteriorum. [2. Fuga otii, intemperantiæ, occasionum aliorumque incentivorum luxuria. [3. *Viva præsentia Divina & Angeli tute-
laris*

laris memoria. [4. Recursus ad vulnera Christi, ad Virginem immaculatam, ad Ss. Patronos. [5. Attenta consideratio novissimorum, itémque turpitudinis, infamiae ac gravitatis, puta sacrilegii in Religioso. [6. Frequens, eáque apud eundem Sacerdotem, Confessio. [7. Perceptio frequens Eucharistiae ceu frumenti electorum & vini germinantis virgines. Ceterum pro dirigendâ conscientiâ NB. 1. ex comm. DD. peccare mortaliter, qui neque efficaciter, per applicationem mediolorum idoneorum, neque ineffaciter, per simplicem displicentiam, resistit cogitationibus ac motibus venereis post plenam advertentiam eorundem. Sed quid, si simplicem habeas displicentiam, absque omni tamen conatu resistendi? Probabilius adhuc esse mortale, cum plurimis aliis docet Mezger, qui tamen sententiam excusantem à mortali admittit velut practicè probabilem, praesertim pro timoratis & scrupulosis. 2. Peccat mortaliter, qui plenè deliberatè ponit causas proximas & per se influentes ad motus venereos aut pollutionem, ut sunt tactus & aspectus impudici; itémque oscula morosa: si enim

has

b)
c)

hæc fiant obiter, ex joco vel levitate, per se loquendo [si videlicet absit periculum proximum consensûs veneri] non sunt, nisi veniale; nullum verò, si fiant ex consuetudine patriæ, civilitate aut aliâ causâ rationabili. 3. Nulla per se est obligatio evitandi vel relinquendi talium motuum causas ex se necessarias, honestas, utiles aut etiam indifferentes, ut sunt audire Confessiones, curare infirmos, equitare, comedere calida &c. Prosequenti enim jus suum non imputatur effectus præter intentionem & per accidens secutus. Tantum abest, ut motus concupiscentiæ independenter ab omni actuali vel interpretativo consensu possit esse peccatum veniale, uti contendunt Gonet & Salmant. Siquidem ex Trid. Sess. 5. Concupiscentia non nocet non consentientibus: Sed neque talis motus voluntarius est, nec liber libertate contrarietatis seu indifferentiæ ad bonum & malum, quod tamen ad omne peccatum requiritur. Sed de his plura Theologi.

b) Puta, malum, seu proveniente[m] ex animo amaro.

c) Seu ambitionem.

d) Sive

- d) *Sive ob amorem Christi pro capitalibus hostibus suis in cruce deprecantis.*
 e) *Seu modi proficiendi in spiritu.*
 f) *Id est, conscripta pro recipiendâ mercede vel magis ad literam, denuo producta & presentata cœlesti Patrifamilias, quo sensu inferius c. 32. & 35. ferramenta ac vasa Monasterii dicuntur consignari & re-
 consignari.*
 g) *Sive reddetur.*
 h) *1 Cor. 2.*
 i) *Id est, in mentem vel intellectum.*
 l) *Vel devenit.*
 m) *Sic dicta ab efficiendo.*
 n) *De quâ infrâ c. 58.*

22. JAN. 23. MAJ. 22. SEPTEMB.

CAPUT V.

De Obedientiâ.

Primus humilitatis a gradus est obedientia finè morâ. Hæc convenit his qui nihil sibi Christo charius aliquid existimant c propter servitium sanctum, quod professi sunt, seu propter metum
 gehen-